



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De Antichristo. tit. 283

urn:nbn:de:hbz:466:1-29452

26. An schismatico etiam proficit sua patientia, quā patitur à Iudæis & tyrānis, id est, tribulationes, fames, nuditas, vincula, tormenta, gladius, flammæ, & id genus alia, nè Christum neget. Non enim dicere possumus, quòd melius ei fuisset, vt Christum negando nihil horum pateretur. At etiam dicit Apostolus 1. Cor. 13. si tradidero corpus meum ita vt ardeam, nihil prodest. Respondeo, nihil prodest ad regnum cœlorum obtinendum, prodest tamen ad extremi iudicij supplicium tolerabilius subeundum. Sic Tyro & Sidoni remissius erit in iudicio, quàm Corozaim & Bethsaida, & Sodomis remissius erit, quàm tibi Caphernaum, Matth. 11. Sic non erit omninò vana patientia hæreticorum. Et capite 27. Sunt quædam dona Dei, quæ solùm hæredibus regni conferuntur, vt remissio peccatorum, Spiritus sanctus, salus æterna. Hæc enim cohæredibus Christi donantur, Roman. 8. Sunt alia dona varia, sanitas, diuitiæ, honores, fortuna, scientia, sapientia, fortitudo, patientia, castitas, longanimitas, & cæt. Hæc etiam gentes dona habuisse certum est. Habuit Aristoteles iustitiam, Plato amorē diuinitatis, Cicero eloquentiã, &c. Sic Abrahamã dedit filio suo Isaac omnē censum, id est, hereditatem, filijs verò, concubinarum, dedit munera, & diuisit eos ab Isaac filio suo. Sic alia sunt dona hæredum, alia exhæredatorum &c. Nostra autem patientia in vnitate Ecclesiæ efficax est, &c.

DE ANTICHRISTO.

TITVLVS CCLXXXIII.

Primò, Antichristus sic dicitur, quia Christo in cūctis cōtrarius erit & contraria faciet. Christus venit humilis: ille veniet supbus. Christus venit humiles erigere, peccatores iustificare: ecōtrà, ille humiles deiiciet, & peccatores magnificabit, semper vitia

vitia quę sunt virtutibus contraria, docebit: Hic multos habet suę malignitatis ministros, ex quibus multi in mūdo præcesserūt eū, qualis fuit Antiochus, Nero, Domitianus, &cæt. Arrius, Donatus, Vuigleff, sicut dicit Ioannes 1. Ioann. 2. Antichristus iam venit, & multi sunt Antichristi. Nam vt dicit Augustin. Quicumque enim siue laicus, siue canonicus, aut monachus, qui contra iustitiam viuit, & quod bonum est, blasphemāt: Antichristus est, minister sathanę est.

Secundò, nascetur Antichristus ex populo Iudęorum, de tribu Dan, secundum prophetiam Genes. 49. Fiat Dan coluber in via, &cæt. sicut serpens enim in via sedebit, vt eos, qui per semitam iustitię ambulānt, feriat, & veneno suę malitię occidat: ita faciet Antichristus. Secundò, initio conceptionis suę simul introibit cum semine in vterum matris diabolus, & illius virtute confortabitur, & virtus diaboli, semper erit cum illo. Nam sicut spiritus sanctus venit & adumbravit virginem, vt quod nasceretur, sanctum ac diuinū esset, sicut dixit Angelus Luc. 1. &cæt. sic totum malum initium erit in conceptione Antichristi. Ideò & filius perditionis appellatur à Paulo 2. Thess. 2. quia quantum in eo est, totū genus humanum volet perdere, & ipse in nouissimo perdetur.

Tertiò, nascetur in ciuitate Babylonica, & nutritur & versabitur in ciuitatibus Bethsaida & Corozaim, Matt. 11. quibus vā prædixit Christus, quod eum contempserunt, &c. Quartò, habebit multos adhaerentes, magos, incantatores, &cætera. Illi prædicatione iuuabunt illum, & veniet Hierosolymam & omnes Christianos, qui eum nolunt recipere, trucidabit & occidet, subindè accedet ad alia loca, maximè vbi Christus prædicauit & ambulauit, & magna faciet miracula & inaudita, id est, arborem citò in momento florere, & iterum areffere, mare turbare, & iterum in puncto tranquillari, naturales res in diuersas figurat

figuras mutabit, id est, quasi lapides viuant, moriantur, &cæt. Mittet quoque discipulos suos in quatuor partes mundi, & nominabit se Deum, & omnia miracula faciet operatione sathanæ, sicut Magi contra Moyfen fecerunt in Aegypto, Exo. 7.

Tertiò, tribus modis se eriget contra fideles, terrore, muneribus, & miraculis: ijs decipiet sic, quòd etiam electi seducantur, si fieri posset Mat. 24. & tunc iuxta verba Christi, erit tribulatio, qualis non fuerit ab initio mundi. Tunc qui in agro sunt, ad montes confugient, & tunc omnia consummabuntur prædicta à Christo. Matth. 24. Luc. 21. Hæc autem persecutio durabit tribus annis cum dimidio. Nam abbreviabitur tempus eius propter electos, Matt. 24. Tertiò, de tempore aduentus Antichristi dicit Apostolus 2. Thessal. 2. quod quandò venerit discessio, scilicet à Romano imperio. Sicut enim Romanum imperium omnia regna sibi habebat subiecta tempore Augusti, Luca 2. sic omnia erunt sibi rebellia, & tunc veniet Antichristus. sic fides Romana & imperium Romanum deficiet, & Antichristus solus regnabit, & extolletur supra omne regnum, & quod dicitur Deus. Nā ipse solus sedebit in templo tanquàm sit Deus. Tunc multi decipientur. Mittentur autem tunc duo Prophetæ, qui prædicabunt contra illum tribus annis cum dimidio, & multi adhærebunt, sed tandèm excandescet persecutio Antichristi, & interficiet illos duos prophetas, deindè cæteros fideles, qui non habuerint characterem eius. Ad vltimum veniet Christus, & interficiet illū spiritu (id est, virtute) oris sui, sicut virtute oris sui & vocis è sepulcris surgent mortui, Ioann. 5. & sic erit finis sæculi, hæc Augustinus de Antichristo.

MOTIVA AD PA-
tientiam.

RRr

TITV-